

约章分类辑要

約章分類輯要卷三十六上下目錄

鐵路礦務電綫門

電綫類章程

津滬電報總局稟呈大略章程

摘錄

中國電報總局
丹國大北公司

合同議約十四條

稟歸商辦章程

遵飭籌議續辦蘇浙閩粵電綫章程

中國電報總局
英國大東公司

會議上海香港電報章程

中國電報總局
英國大東公司

會議續訂章程六條

中國電報總局
丹國大北公司

會議大北公司售與中國上海至吳

淞旱綫章程

報房章程

附錄優學生唐璧田條陳通例

總管規約

按報各生規約

收發報房規約

附報單式

巡護電綫桿章程

報房雜款

重定中國電報各局往來價目表

附各省電綫聯綴圖往來價目表

以上電綫章程

成案

請設津滬電綫摺

報設電綫經費摺

奏請接辦蘇浙閩粵電綫摺

總辦電報大臣盛咨奉 上諭嗣後明降諭旨著由

電報局電知各省督撫遵辦毋庸專候部文

總署咨新編己亥電本嗣後凡發要電卽於電首添

註亥字

總署咨嗣後凡有緊要之電卽用字字電本譯發尋

常仍用己亥電本

奏定竊毀電報桿綫治罪專條

奏定竊毀電報桿綫地方文武官處分專條

澧州安設電綫鄉民拆毀已獲犯懲辦摺

澧州鄉民毀壞電桿照數追賠

澧州鄉民毀拆電綫桿碗各紳設法籌賠

汕頭紅船撈取電綫罰辦

以上電綫成案

約章分類輯要卷三十六上

鐵路礦務電綫門

電綫類章程

津滬電報總局稟呈大略章程

一中國興造電綫以通軍報爲第一要務便商民次之今先由天津以達上海所需資本約僅十餘萬兩或全撥官本或全集商貲均屬易事惟此等有益富強之舉創始不易持久尤難倘非官爲扶持無以創始若非商爲經營無以持久前蒙奏明先於軍餉內墊辦俟辦成後招股集貲分年繳本卽由官督商辦是使商受其利而官操其權實爲顛撲不破之道茲擬先招商本六萬兩其餘暫領官本隨後續招商股分

年繳還官墊銀兩以符奏案

一中國人眾自必信多將來電報四通八達所取信資當可日增月盛但開辦之初恐商民尙不盡知其敏妙寄信者未必能多所收信資萬一不敷開銷應准核實暫由北洋洋藥加釐項下具領津貼俟獲有餘利再將津貼之款分次歸補一中國電綫勢必先難後獲故必有遠識者樂從其事所收商本應以一百兩爲一股給發股分印票爲憑認票不認人擬定按年結帳所收信貲開除經費之外苟或不敷暫請津貼如有盈餘先提六成均勻分派其餘四成作爲公積以備添造電綫愈推愈廣利益無窮

一本局奏明官督商辦聽其自取信資以充經費所有中國

官商及洋商寄信取資應由本局議定價目其有與上海大北公司海綫交易寄信取資應由本局與大北公司妥議價目一併刊刻章程以歸劃一

一本局經費浩繁全賴信資開支各省官府過多若稍一通融勢必經費無出盡欲借資津貼何以持久擬仿照輪船局章程無論官商皆須一律取資以充經費並須先付信資再行發電不得通融拖欠

一電報原爲洋務軍務而設軍機處總理衙門各省督撫衙門各國出使大臣所寄洋務軍務電信自應區別以存體制應請由以上各衙門於寄報信紙上面蓋用關防局中驗明隨到隨發除代轉洋商電報公司照給信資外所有本局應

取信資另冊存記年終彙報如本局有應歸補津貼之款皆准以此項信資抵繳倘無抵繳之款卽亦無庸具領此外中外文武各衙門鹽局臺所皆不在此例

一學堂與本局相爲表裏其學生俟到局派事之後薪水卽由本局開支所有設立學堂經費係爲

國家造就人才起見應在軍餉內開支免在商本內歸還

一商人出資承辦意在急公凡屬西法創舉必應歷年久遠以數十年爲通籌庶可冀後日之益以補今日之絀現在眾商出資報効自應准其永遠承辦推廣施行是商人之利亦國家之福也

一本局係官督商辦所有銀錢收支應如各局所定之例詳

報呈核並應如各公司之例刊帳傳觀不論何時均准有股之人赴局看帳如果有人侵蝕皆可訴知總辦查究

一本局總辦應駐天津其各分局均歸調度此舉專爲軍務洋務而設凡有關於關道及機器製造局軍械所應幫同料理之事各該道均應力代維持以顧大局

一各局用人均須妥實各有專責應由總辦加意遴選開單稟請派定不得徇情濫收員友徒資糜費甚至債事局內員友收用之後若未合宜仍卽稟撤勿得瞻徇

一材料及應用器具必須分布各段以便臨時取用擬以二百里左右爲一段分作十六段爲存料處所除天津臨清濟甯清江鎮江蘇州上海七處本須設局外其餘興濟連鎮故

城史家口夏鎮臺兒莊宿遷高郵常州九處應先租覓棧屋
派人看守一頭等分局七處存放物料棧房九處已經酌妥
其二等分局應設幾處再行隨時察定此外五十里應設一
巡電房選派本處營兵二名以資巡邏每月酌給津貼銀數
兩凡該管五十里之內均責成該營兵往返巡邏由霍洛斯
及各洋匠教其接綫通報收拾之法以備遇損即修免耽要
信並由地方官嚴諭各段地保認真看守勿使損失俟另定
保護章程再擬詳請通行

一沿途設綫請專派熟悉大員照料山東江蘇應請咨行各
派安員屆時會同照料以免耽誤日期

摘錄

中國電報總局
丹國大北公局

合同議約十四條

一所有經中國電綫寄往來外國之電報若寄報者不指明從何綫寄往當由日本及海葎葳一路傳寄

一中國總局當與大北公司互相通知電報信資卽中國電報局由上海至內地各處之價大北公司由上海至廈門香港以及外洋各處之價

一所有電報在中國分局寄往中國各處及寄往外國經大北公司海綫寄去者除上海外中國電報局應將全價收清然後將大北公司應得之價照章劃還大北公司大北公司保各處電報妥當寄去外國以及上海至廈門香港等處所有電報由外國寄中國內地者大北公司亦一併收其信資將應交中國之價彙劃歸還中國電報局中國電報局亦保

各電報在中國電綫之上妥寄如有貽悞彼此查照公法定章辦理

一凡由中國寄外國或中外國寄中國內地之報中國電報局及大北公司均應在上海各立專冊登記其交易之數彼此應行找還之數每英月初二日互相較對前月之冊倘有應找之款當於下月初十以前彼此繳清

一中國上海電報局倘與上海大北公司同在一處或租大北公司房屋卽應繳大北公司房租若干彼此另行商定如中國另有相近之屋卽由中國自主統歸上海分局總辦辦理惟須由中國設一電綫與上海大北公司之綫相接

一中國總局可各定其自己之價但寄外國電報之價均須大北公司

按照倫頓西歷一千八百七十九年新定萬國電報章程凡中國電報局傳寄中國字電報或用大北公司所定中國字之電報新書或由中國自行編成新碼

一電報頭字以及中國各電報局與大北公司來往信札均用英文惟合同則以華文爲主

一中國設立津滬電綫於大北公司亦有裨益故於中國電報有益之事大北公司自願竭力幫助但中國自主之事大北不得干預

一中國電報局及大北公司所有因電報公事來往電信均無信資

一大北公司海綫如有斷絕停滯等情大北公司卽時通知

中國電報局中國津滬一路旱綫如有絕斷停滯等情中國電報局卽時通知上海大北公司

一中國自行創設電報乃自主之權係北洋大臣開辦以後無論何省官憲託大北公司代爲經手雇人購料者應由大北公司先行稟明北洋大臣核奪候示允准方可代辦如不稟明則不准辦

一按照大北公司原稟第四條大北公司應繳回中國官報之費每三箇月一結專歸一款繳交上海電報局轉解天津總局察收轉報北洋大臣大北公司亦用洋文報單報知北洋大臣由天津總局代呈

一長江水綫必須用輪船修理屆時應雇大北公司海綫輪

船並洋匠前往修理每日船匠煤炭一切花費照每日英洋四百五十元如中國願派人赴大北公司海綫輪船往公司海綫之處學習大北公司情願盡心盡法傳授至自能修理長江水綫爲止

一凡發售數碼商人電報至外洋者應照萬國電報章程以三箇數目作爲一字大北公司之綫變通章程凡遇四箇數目之字均聚聯按三箇分爲一字中國此時如用四箇數目字碼之書凡經上海廈門香港長崎海葭蕨丹國水綫之處能否照四碼一字收價恆甯臣無專主之權應由恆甯臣函請丹國總公司復信照辦光緒七年十月初十日卽西歷一千八百八十一年二月二十六日

稟歸商辦章程

一原批第一條既擬先招商本六萬兩開辦時卽先儘商本六萬兩應用不足之數再核給官本等因查開辦之初悉歸官本呼應較靈故未便遽議招商現在全工告竣共支用湘平銀十六萬數千兩眾商擬先招商股繳還銀六萬兩五年後分年續繳還銀二萬兩按年繳五千兩免其計息其餘八萬數千兩存俟頭等官報抵給報費

一原批第二條以所收信資抵支用費恐初辦不敷擬由北洋洋藥加釐項下津貼應俟電報設成後將收支款項半年核實彙報一次如有不敷准其酌請津貼仍俟獲利歸還以重公款等因查此綫照目前議歸官督商辦而仍欲公款津